

## Naka Lauragu hi Moiri

Edisi I, No. 1/33

Teks sumber: Tuhan Merindukanmu

Penulis: Rini Koesdyanto

Penerjemah: Daud Daki Bera

Suara: Damaris

Ata pa oali jajingu tangaran namarabba Yesus, mai kawoanya kaloa'gangu kuduku, weahaya na atimu kata ranguya, kata tengiya nawinina namarabba Allah, "einya ta lihimu ana gatagu" namwina. ya napatikina na atana hi Rini Koesdyanto, dapap'kana tapanewi wanukakangu na atana hi p'Daud Daki Bera. Napap'toma balina hi Damaris. Ya peala kami ranguya, mahbayakagimi, kanwoa'gimi wei maringu wei malala nam walingu lahi Moiri.

Einya hi moiri nama nama namuwu, nama kalauragu. Ina ama,ap oali jajingu ngala dukka bolumi. Nahenangu na atigu aku paregga dengagimi ya. Anna'kaya kana hena jellangu na atimi. Jakka hadukkamunyaka, gananya napa haduka hadangimu nama duka buatuya ya tamorikumu aku inna amagimi, napa manni'gu nyouwa, amu mengngakak ya paranguya na patinina tawinina hi Moiri, annakay kana woagu kaloaga, wei maringu wei malala tamorikumu. S'bab gana napapatomagu ya ta winina hi Moiri, pa maninguya, makkaloa'gaya, mawa'hanguy mai tengiya.

Ina ama apa oali jajingu tamarabba Yesus, mupea,kadinya ana namuwu, ana kalauragu hi Moiri? Amu weahakadiya na atimu, einya hi Moiri takarahamu ana akkulu kokugu, einya takarahada, napea'gunya nahadukkamu. Jadi abbu tau'diya tapa ngadangumu "oh jia meaha tekakiwa nyouwa, daeimangu magataga" da'ah aku ina amagimi, einya hi Moiri nama namuwu. Taka loaga ya kaku tiki jelagiminya gananya nama einya ta atina hi Moiri tutu taa'guda jiata tou rara napa namu wali atina.

Ina ama apa oali jajingu ngala dukkami, mu padda jelanya ta atimu bayaka amu paheawa denganya na tao nappa'duka buahamu oa'tamu, nappa'namu oatamu? (anamu, inamu, atau amamu mungkin nama eina tama mama rou)? Na tou napa namuda weiga napp'namuda atama marani jellakadi'nyaha detangu moturdanyaka mungkin ata halaku lippa'tomanya, katta'paregga denganya. Atau adata bisakak, aduka maroukaya bisa jela a telekuya. Tapi na tou napa namuda weiga alanga matikananyaka, data hilu bisa'maha apa rega denganya,

namu'padanyaka tiddi'jiapayaka na potuna napatetida ata manininya pirangu baru kata parega denganya ta Surga. Na deawada jiata tou rara na moriku bali, lakka ana mati'ka na ihi tou rarada jadi na tou napa namuda weiga ana matikak, ana bali talihina hi Moiri tetap na deawana ana namuda.

Nyouwa hadeke jelangu aku paheawa denganya na oaligu nappa'namu oa'tagu, yanaga anna halaku lipa hakola ta luar negri. Dubba douma nyiama amapamarai juangu, laka bayagama ama halaku pasti padutu wiki juamanya taungu mapa ana karangu. Manga tikini winnaka hi tiddi paheawa denganya alanga lipa hakola ta luar negeri. Tomaka narahina ana halaku, ku lippa tauya ta bandara ana detangu kapal wurungu. Ku balika wali ta bandara ku paddanya maga toungu mollahnanya nadeawagu ha papa, wurrungu nanya naha mangugu, na loaja naka luagu ana hiddu teka na atigu aku namuy na oali atigu nama halaku. Titi touguka aku hou, ku ha bayang ku hou tahagana na Mourigu. Tikki nahangahu matuana hi Moiri ku peddanya maga toungu patekkanaganya kana pedda jellanya na hiddu ati apa heawa denganya na tou napa namuda winna. Toma ta laddu yayi ei juanyaha ta atigu akku namuya yannaga aku paheawa denganya na oali atigu hi dukka hadukkaya na atigu akku kalauranya. Jiayaka hiku peanya, mungkin hi Moiri patekkanaganya "naha peddamu hinna meara jellana naha peddagu winna, bahkan reihidduya na atina hi Moiri".

Aku inna amagimi, na Moirida na pedda jellanya na milla ati, napa namungu. Touna nappa tikkina na winina ta alkitab, na Moirida na pedda jelladanya nahadukkada, giki hadukka malara nou hingukana na atimu na peagunya. Da tidi patotumanagu amu hadukka, dunna na pedda jellanya naha dukka, na perna jella ana jaji tou rara yannaga a omminya ta pinnu tana, na lii jellaya nahadukka, na milla ati toungu jiata tou rara.

Inna ama apoali jajingu tamarabba Yesus, akku pangadda balikanyaka nyouwa na milla oata na atigu. Dukka hidduya na atina na Amada na Marabba Alla ana pa heawa dengaknya na ananan nama ha tou waina (na Marabba Yesus). Pada hal Marabba Alla jaka namrabba Yesus, addapa amangu addapa anangu dadda malli pernamangu ada pama roungu addapa heawa dengangu. Bahkan na Marabba Yesus a einya ta pinnu tana ana jaji tou rara dadda malli pama roumangu, tetap addakahangu addapa Ama Anangu. Tounaka a tearunya deaha ta ai harikka toma ana mati, anna harainyaka na hangahuna napa roanya

na amana "Eloi, eloi lama sabakhtani, Allahku, Allahku mengapa engkau tinggalkan aku? Moirigu...Moirigu... ga himu dujaku tekkakakiga nyowa winna. Jiayaka nou ana paheawa dengganya na amana ana mati ta ai harikka witida jiata, anna deitudaja da doku jalada akuinna amagimi. Jia jellayaka nou nappa liina na amada na marabba Alla, dukka milla, dukka hidduya na atina ana paheawa denganya na anan nama hatou waina, napa dukka buahana, nappa duka kalaurana Inna ama... a jiatatak tou rara nama liiya mungkin data bisamangu. Tou jellana naha peddana na Marabba Yesus ana pa heawa denganya na Amana, naha dukka jella na atina. Na marabba Alla nama Biaha Madi, danna ittamaya na anana nama liiya na doku jala, damma mangu hala dokuna hi eingu doku jalana witida jiata tou rara. Liya laihi Marabba Yesus hina poahidaja da doku jalada winna napa tikkina ya na winina ta 2 Kor 5:21.

Inna ama, pa oali jajingu ta Marabba Yesus.

Toma ta laddu ya, na milla naha dukka jella na atina na Moirida. Na namu oatawu ana kalauragu, dukka ma deiyaka a einya ta aa binna ana nadigu, pirrangu nimi na anagu a omni balinya ta hagagu ana tomaga winna, kakuparegga denganya winna. Jiaya jella napa tikkina nawinina ta Lukas 15 ana tikkiya "einya napa ama nama dukka madeiya anna nadingya na anan pirrangu ana bali ta umma, weahango-weahangu napa totu juanya na lara ngi ana nadingya na anan bali. Meara jellana na Amada, na Moirida einya ana nadigu kammu toma balinya

Inna ama pa oali jajingu ta Marabba Yesus! Kaku tuturumi nou!!

Muma deika amu halaku dujakunya hi Moiri? Damu hillu halakumaha ta gereja, damu hillu buahamanguha pa habayangu?

Giki nounaka napa liina na moirikumu ya ladu?

Ga ganakaja dama hala, da doku jala daha wolumu? Dukka dangukahaka?

Inna Ama, rangu pakalungu! Da eimangu doku jalada daha poahi poddahuna na Moirida, bahkan na dengadaja damahala, doku jalada daha woluda. Asal ou! Kammu namu baliya hi Moiri, mai omni baligu ta hagana! Weahaya na atimu kamu harainya na moirikumu lahi Moiri. Abbu pangadadingu oh hi moiri dana hillu kaa balimawaha, duka danguha da halagu daha wolugu wimu? Da ah inna

ama, kammu pangadda balingy, einya ana nanamuda, mai tomanya, einya ana nadigu.

Touna napa tikina ta kukas 15 weiga, einya nalakeda nama dujakunya na amana ana halaku tamamarou, hina pangada balingu ana bali ta umma, ana peadinya pasti einya na amana ana nadinya ta umma.

Laddu ya einya hi Moiri ana kalaauragu, ana namuwu napa joalaja dalimmana ana agugu, na peagunya naha dukka atimu, na woagu kaloaga, na poahi poddahuguja da doku jalamu.

Nyouwa ku peanya ya, einya ha tou kaku bali nama winna ta laddu yayi, na tou nou oukadingu ina ama? "Mai ngala dukka bollumi tou doku jala, nama dukka buatuya naha dukkana dappa deituda, mai nimi ta hagagu kaku woagimi kaloaga, wei maringu wei malala winna napa tikina na winina ta alkitab. Namuya na Moirimu nama dukka deha atiya, mai tomanya kamu halaku bali ta gareja kamu habayangu, namu baliya dana maroumagu, einya takarahamu. Lakaba yakagu a ei yagu, einya hi Moiri nama namuda, nama dukka deaha atiya, einya ana nadigu, kamu kaaya napa awi panamunguna.

A dadi tapahupu pa regga yayi tauya nalimmamu ta kurumu, ya eigu ou, nyouwa jaka na Moirida kakku habayagimi ngara dukkami nama rangu.

"Ama... otugama ta hagaMu ama haraija da atima, ku haraija da ina amagu yayi ottu balija tahagamu Moiri adda mangakuha da doku jalada kammu poahi poddahudaja Ama... Ou mu peadanya da rongu atida mu dedikudaja daha dukkada Ama.. jaka kamu woaja wei maringu wei malala".

Ina ama, nou kamu kaya na kulihu hangahu matuana, namapa tegahuguja daka toawi atimu. Napa joalagunya na limmana ana pategahawu, kana purungu weima ringu wei malala ta moirikumu.

Tangarana na Marabba Yesus, nama pa awi panamungu amma habayangu. Amin!!

Tomakangu...!! Tuhan Yesus memberkati.